

Mundart- Kölsch

Wenn ich ens nit mih existeere,
wenn ich de Auge zojedon,
wenn ich mich bovve presenteere,
janz hösch am Himmelpözje ston,
dann soll dä Petrus dat schon maache,
hä sök dä schönste Platz mir us,
hä weiß, et jit dann jet zo laache,
ich ben vun Kölle am Rhing zo Hus.

Un wann dä Herrjott sät:
Jetz es et joot, do kölsche Stropp,
ding Zick es do, kumm hösch erop.
Han ich em Auge Trönche stonn.
Wer möch schon jähn no bovve jonn?
Dä Petrus weed et ävver maache.
Hä hät e Plätzje dann parat,
von dem ich met üch singe kann
und laache, un lore op ming Vatterstadt.

Kriesch doch nit,
wann et vörbei es.
Denk leever draan,
wie schön die Zick doch wor.
Et jitt nix, wat mer halde kann,
un hängk ding Hätz och noch su draan.
Ohne Abschied fing nie jet Neues aan.

Hans Knipp/Black Föös

De Levvenszick zält Stund för Stund,
em Jlichmoß jon de Zeijer rund.
Un of mer för – of rückwärts loot;
de Zick die es un bliev ze koot.
Mer kann bei dr beste Doktor jon,
de Levvensuhr bliev eimol ston.
Dröm maach dir Freud, su lang et jeiht,
et Levve dot kein Iwichkeit.

En Mamm darf mer nie verjesse,
un dat weeden ich nie dunn, so lang ich leeve,
wer jov mer Kraff, wer jov mer Trus, dat wors do.
Ich jläuve feß dodran, dat do vum Himmelpötze
ding Häng üvver mich halts.

Koot eß et Minscheleeve,
Mer müssen all ens jonn.
Noch keiner eß jeblevve,
Jott, helf uns, Dich zo verstonn.

Kölsch eß de Ähd, der ich entsprung,
Kölscheß mie Hätz, Kölsch eß ming Zung.
Kölsch eß mie Huus, Kölsch eß ming Kirch,
Kölsch eß de Ähd, die mich ens birg.

Du wees gerofe, kanns et nit verstonn
un trotzdem müsse mir all dä Weg ens jonn.
Et gilt nit nur he, et gilt überall,
ich sage Atschüss, zom letzte Mol

Un looren ich vum Himmelpözze
dereins he ob ming Vatterstadt,
well stell ich noch dobovve sage,
wie gähn ich dich, mie Kölle, hatt.

Un setz ich jetz, ob Wolke Sieben,
un luuren ob ming Vatterstadt,
möch stell ich noch vun bovve sage:
„Danke, Ihr Fründe, dat ich Üch hatt!“